

卷六十六

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷六十六
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

天部上 天 日月星雲風

天

周易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以法 春秋繁露曰天有十端天地陰陽水土金木火人凡十端天亦

喜怒哀 喜樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

天各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所
 使用上的注意事項



詩 梁庾肩吾看放市詩曰旗蓋出御道游目暫迴車既非隨舞鵠聊自
入看書懸龜識季主陶酒見相如日中人已合黃昏故未踈 陳張正見
賦得日中市朝滿詩曰雲閣綺霞生旗亭麗日明塵飛三市路蓋入九重
城竹葉當鑪滿桃花帶綬輕唯見爭名利安知大隱情 梁簡文帝移
市教曰臨淮作守白鹿隨而忘反蕭令解綬黃雀從而歸况復衛卒遮
車追民擁榜瞻言前古眇愧弘多吾旅泊冬川阻茲涸水日中摠會交貿
遷移雖焚無外取要得所求而旗亭舊體自有常處不容近違孔奮遠逐
曹參正恐舊肆盈虛或成彫廢 周庾信答移市教曰昔張楷碩儒尚移
弘農之市宜官妙篆猶致酒壚之客况復德摠郇周聲高梁楚希風慕義
之士舉袂成帷臥轍反車之流磨肩相接遂使王充闕市之處遠出荒郊
石苞販鐵之所翻臨涯听聖德謙虛未忘誼湫欲令吹簫舞鶴還反舊鄼
賣卜屠羊請辭新闢而交貿之黨好留鹵岐之衆難遣

藝文類聚卷第六十五

藝文類聚卷第六十六

產業部 田獵 釣錢

田獵

禮記曰天子諸侯無事則歲三田一曰乾豆二曰賓客三曰充君之庖
者夏無事而不田曰不敬田不以禮曰暴天物天子不合圍諸侯不掩羣
天子殺則下大綏諸侯殺則下小綏綏當為綏有大夫殺則止佐車佐車
止則百姓田獵佐車駟逆之車又曰獺祭魚然後虞人入澤梁豺祭獸然後田獵
鳩化為鷹然後設罝羅草木零落然後入山林昆蟲未蟄不以火田不麝
不卵不覆巢 毛詩曰騶虞鵲巢之應也鵲巢之化行人倫既正朝廷既
治天下純被文王之化庶類蕃殖蒐田以時仁如騶虞則王道成也 六
韜曰文王卜田于渭陽將大得非熊非羆天遺汝師以之佐呂施及三王
大吉王乃齋三日乘田車駕田馬于渭之陽見呂尚坐以漁文王勞而問
焉 穆天子傳曰天子獵于滸澤得白狐玄貉以祭河宗 晏子曰景公
田十有八日不反晏子往見而衣冠不正公望見晏子下車急曰夫子何

遽得無有故乎對曰國人皆謂君安野而好獸無乃不可乎公曰寡人有
吾子猶心之有四支也有四支故心有佚寡人有吾子故寡人佚也晏子
曰若心有四支而得佚則可令四支無心乎公乃罷田而歸莊子曰梁
君出獵見白鴈羣下穀弩欲射之道有行者梁君謂行者止行者不止白
鴈羣駭梁君怒欲射行者其御公孫龍止之梁君怒曰龍不與其君而顧
他人對曰昔宋景公時大旱卜之必以人祠乃雨景公下堂頓首曰吾所
以求雨為民也今必使吾以人祠乃雨將自當之言未卒而大雨何也為
有德於天而惠於民也君以白鴈故以欲射殺人主君僻人無異於豺狼
也梁君乃與龍上車歸呼萬歲曰樂哉人獵皆得禽獸吾獵得善言而歸
韓子曰孟孫獵得麇使西秦巴持之其母隨而呼之西秦巴不忍而與其
母孟孫適至求麇對曰余不忍而與其母孟孫大怒逐之居三月復召為
其子傅曰夫子不忍麇又且忍吾子乎戰國策曰魏文侯與虞人期獵
具以飲酒樂天雨文侯將出左右曰今日飲酒樂天雨君將焉之文侯曰
吾與虞人期獵雖樂豈不一會期哉乃往自罷之魏於是始強史記曰

田叔為魯相魯王好獵相常從苑中王輒休相就館舍相出常暴坐待王
苑外王數使人請相休終不休曰我王暴露苑中我獨何為就舍魯王聞
之不大出遊魏志曰文帝將出獵鮑勛上疏諫帝手毀其疏而竟行中
道頓息問侍臣曰獵之為樂何與八音也侍中劉曄對曰獵勝於樂勛抗
辭曰夫樂上通神明下和人理隆治致化萬邦咸乂故移風易俗莫善於
樂况獵暴華蓋於原野因奏曄佞諛不忠江表傳曰曹公與孫權書云
近者奉辭伐罪旌麾南指劉琮束手今水軍八十萬衆方與將軍會獵於
吳王隱晉書曰魏舒少生財著韋衣入山澤每獵大獲世說曰孫盛
為庾公記室參軍從獵將其第三兒齊莊俱行庾公不知忽於獵場見經
時年七八歲庾公謂曰君兒亦復來乎應聲荅曰所謂無小無大從公于
邁吳地記曰長洲在姑蘇南太湖北岸闔閭所遊獵處也吳先主使徐
詳至魏魏太祖謂詳曰孤願越橫江之津與孫將軍遊姑蘇之上獵長洲
之苑吾志足矣周王褒和張侍中看獵詩曰上林冬狩反回中講射
歸還登宣曲觀更獵黃山圍巖冬桑柘慘寒霜馬騎肥縶盧隨兔起高鷹

接雉飛獨嗟來遠客 辛苦倦邊衣 陳張正見和諸葛覽從軍遊詩曰治
兵耀武節縱獵駭畿封迅鷁馳千里高置起百重騰麗斃馬足飢馳落劍
鋒雲恨飛燒火鳥道絕禽蹤方羅四海俊聊以習軍容 漢司馬相如
子虛上林賦曰楚使子虛使於齊齊王悉發竟內之士備車騎之衆與使
者出田田罷子虛過託烏有先生而亡是公存焉先生曰今日田樂乎子
虛曰樂獲多乎曰少然則何樂曰僕樂王之欲誇僕以車騎之衆而僕答
以雲夢之事曰可得聞乎子虛曰可王駕車千乘選徒萬騎田於海濱列
卒滿澤罟網彌山掩兔麟鹿射麋脚麟驚於鹽浦割鮮染輪射中獲多矜
而自功顧謂僕曰楚王之獵孰與寡人僕對曰臣聞楚有七澤嘗觀其一
未見其餘也臣之所見蓋特小小者耳名曰雲夢雲夢者方九百里其中
有山焉其山則盤紆峩鬱岑峯參差日月蔽虧交錯糾紛上干青雲其東
則有蕙圃蘅蘭芷若射干芎藭菖蒲茝離蘼蕪其高燥則生箴菝苞荔薜
沙青蘋其埤濕則生藏蓂蒹葭東牆彫胡其西則有涌泉清池激水推移
外發芙蓉菱華內隱鉅石白沙其北則有陰林巨樹榭榭豫樟桂椒木蘭

檠離朱楊其上則有鷓鴣孔鸞騰遠射干楚王乃駕馴駮之駟乘雕玉之
輿靡魚須之橈旃曳明月之珠旗陽子驂乘娥阿爲御按節未舒即凌狡
獸蹴蛩蛩躡距虛軼野馬馳騶駘乘遺風射遊騏弓不虛發中必決背洞
曾達掖絕乎心繫於是鄭女曼姬被阿緋投紵編雜織羅垂霧縠飛馘垂
鬢扶輿倚靡錯翡翠之葦蕤繆繞玉綬眇眇忽忽若神仙之髣髴於是乃
相與徠於蕙圃掩翡翠射駿驥怠而後發遊于清池浮文鷁揚旌柁張翠
帷建羽蓋網瑇瑁鉤紫貝樅金鼓吹鳴籟榜人歌聲流唱涌泉起奔物會
磊石相擊硠硠磕磕若雷霆之聲聞乎數百里之外於是楚王登陽雲之
臺泊乎無爲淡乎自持不若大王終日馳騁曾不下輿臣竊觀之齊殆不
如烏有先生曰是何言之過也且齊東渚鉅海南有琅邪觀乎成山射乎
之罘浮渤澥遊于孟諸邪與肅慎爲鄰右以湯谷爲界秋田乎青丘傷隍乎
海外吞若雲夢者八九於其曾中曾不帶芥然在諸侯之位不敢言遊戲
之樂苑囿之大先生又見客是以王詞不復何爲亡以應哉 上林賦 是
公子听然而笑曰楚則失矣而齊亦未爲得也且齊楚之事又焉足道乎

君未覩夫巨麗也獨不聞乎天子之上林乎左蒼梧右西極丹水更其南
紫淵徑其北終始灞滙出入涇渭鄠鎬潦滴紅餘逶迤經營乎其內蕩蕩
乎八川分流相背而異態於是乎蛟龍赤螭鯨鱣漸離鰓鱗鰓鼉禺禺鮒
鰒捷鱗掉尾振鱗奮翼潛處乎深巖明月珠子的皪江靡蜀石黃磬水玉
磊砢鴻鸕鵠駕鷺屬玉羣浮乎其上沈淫汎濫隨風澹澹與波搖蕩掩
薄水渚深林巨木巉巖參差九嶷截薛南山峩峩掩以綠蕙被以茫離糝
以糜益雜以留夷布結縷攢莫少揭車蘅蘭橐本射干此薑蕞荷歲橙若
蓀鮮支黃礫蔣芋青蘋布濩閑澤延蔓太原於是離官別館彌山跨谷高
廊四注重坐曲閣華棖壁壘增輦道遷屬步欄周流長途中宿俛杳眇而亡
見仰攀椽而捫天奔星更於閨闈死虹地於楯軒於是乎盧橘夏熟黃甘
橙棗枇杷燃柿棗楊梅櫻桃蒲萄噀夫奠棣楊翠葉杭紫莖發紅華秀
朱榮煌煌扈扈燭曜巨野背秋步冬天子校獵乘鑊象六玉虬拖蜺旌靡
雲旗前皮軒後道遊孫叔奉潛衛公駮乘江河爲陸太山爲檣車騎雷起
殷天動地生貔豹搏豺狼手熊羆足野羊箭不苟害解脰陷腦弓不虛發

應聲而倒然後侵淫促節倏復遠去流離輕禽蹇履狡獸擇肉後發先中
命處拂鷺鳥捐鳳凰捷駕雛掩鷓鴣鵬蹙石關歷封畝過鳩鵲望露寒下棠
梨息且春西馳宣曲濯鷓牛首登龍臺掩細柳於是遊戲憚怠置酒乎
天之臺張樂乎膠葛之寓撞千石之鍾立萬石之虛建翠華之旗樹靈囿
之鼓奏陶唐氏之舞聽葛天氏之歌千人唱萬人和巴俞宋蔡淮南干遮
文成顛歌族居迤奏金鼓迭起鏗鎗闐鞞洞心駭耳荆吳鄭衛之聲韶濩
武象之樂陰淫移衍之音鄢郢繽紛激楚結風若夫青琴宓妃之徒絕殊
離俗妖冶閑都靚粧刻飾嫵媚纖弱皓齒燦爛宜笑的皪色授魂與心愉
於側酒中樂酣天子曰嗟乎此太奢侈於是歷吉日以齋戒襲朝衣乘法
駕建華旗鳴玉鑾遊於六藝之囿馳騫仁義之途修容乎禮園翱翔乎書
圃漢楊雄羽獵賦曰武帝廣開上林東南至宜春鼎湖禦宿昆吾傍南
山西至長楊五柞北繞黃山濱渭而東周袤數百里聊因校獵以風玄冬
季月天地隆烈乃詔虞人典澤東延昆鄰西馳閭闔儲積共侍戎卒夾道
斬叢棘夷野草禦自涇渭經營鄠鎬管合圍會先置乎長楊之南昆明靈

沼之東荷垂天之異張竟橙之罟靡日月之朱竿曳彗星之飛旗渙若天星之羅浩如濤水之波淫淫與與前後要遮立歷天之旗曳捎星之旃霹靂列缺吐火施鞭車騎雲會登降闔謁泰華爲旗熊耳爲綴木什山還漫若天外於是鳥不及飛獸不得過軍驚師駭刮野掃地禽殫中衰相與集於靖冥之館以臨珍池灌以岐梁溢以江河東瞰目盡西暢亡涯隨珠氏焯爍其波方推夜光之流離剖明月之珠胎於茲乎鴻生鉅儒修唐典巨雅頌揖讓於前昭光振耀響忽如神仁聲惠於北狄武誼動於南鄰後漢張衡羽獵賦曰皇上感天威之繆烈思太昊之觀虞虞人表林麓而廓菜藪翦荆梓而夷榛株於是鳳皇獻歷太僕駕具蚩尤先驅雨師清路山靈護陣方神躡御羲和奉轡弭節西征翠蓋葳蕤鸞鳴瓏玲山谷爲之澹淡丘陵爲之皴傾於是皇輿綢繆遷延容與抗天津於伊洛賈遙集乎南圃大詔獵者竟逐長驅輕車颯厲羽騎電騫霧合雲集波流雨注馬蹂麋鹿輪轉雉兔弓不妄彎弩不虛舉鳥驚絳羅獸與矢遇魏文帝校獵賦曰長鏃紅霓飛旗拂天部曲按列什伍相連時如叢林動苦朋山超崇岸

之曾崖厲障溼之雙川列翠星陳戎車方轂風迴雲轉埃連颯屬雷響震天地譟聲蕩川岳遂躡封豨籍塵鹿稍飛鳶接鸞鴛聚者成丘陵散者闐溪谷流血赫其丹野羽毛紛其翳日考功效績班賜有叙授甘魚飛酌清醑割鮮野亭舉爵鳴鼓鑿輿促節騁轡迴翔望爵臺而增舉涉幽漸之花梁魏王粲羽獵賦曰相公乃乘輕軒駕四輅駙流星屬繁弱選徒命士咸與竭作旌旗雲繞鋒刃林錯楊暉吐火曜野蔽澤山川於是搖蕩草木爲之摧撥禽獸振駭魂亡氣奪與頭觸系搖足遇捷陷心裂胃潰腦破顙鷹犬競逐弈弈霏霏下韝窮緹搏肉噬肌墜者若坻清野滌原莫不殲夷魏應瑒西狩賦曰伊炎漢之建安飛龍耀乎天衢皇宰弈而陶運樹巨翼而大摹盪無妄之氛穢揚威靈乎八區開九土之舊迹暨聲教於海隅時霜凄而淹野寒風肅而川逝草木紛而搖蕩鷺鳥別而高厲旣乃揀吉日練嘉辰清風矢戒屏翳收塵於是魏公乃乘彫輅駟飛黃擁簫鉦建九按纒清途颯沓風翔於是圍網周合雷鼓天震千乘長羅萬表星陳雙翼旌旌八校祖分長燧電舉高煙蔽雲爾乃徒輿並輿方軌連質騫颯四駭衝

禽驚溢騁獸塞野飛鳥蔽日爾乃赴文谷陵崇岫俯壘奔猴仰捷飛猿雲
幕被於廣野京燎照乎平原醴無克給洪施普宣又馳射賦曰於是陽
春嘉日講肄餘暇將逍遙於郊野新娛遊於肆射延賓鞠旅星言夙駕樹
應鞞於路左建丹旗於表路羣駿籠於銜首咸皆騶裹與飛翫爾乃結翻
佇齊倫匹良樂授馬孫臆調馴籌等克明奕次均壹左攬繁弱右接湛衛
控滿流睇應弦飛碎旒動鼓震謀聲雷潰重破累礮流景倏忽紛紜絡驛
次授二八驂驅激騁神足奔越終節三驅矢不虛發進截飛鳥顧摧月支
須紆六鈞口彎七規觀者弁氣而傾竦咸側命而騰移爾乃縈回盤厲按
節和旋翩翩神厲體若飛仙亦亦駢牡既佶且閑揚驪沛艾蠖略相連
晉夏侯湛獵兔賦曰爾乃乘露箱御良馬循又接於廣漠弓矢迎於曠野
端眺蒿萊摘盱榛穢落日攢旣傍窺翁薈視斃兔之所隱乃精望而審發
弦絕箭激驚伏並斃搜鱗危險覓歷岡阜留罾挂於重林疏置結於通藪
密驚視於草間暫見之於蒙擬以銳文規以良弓觀毫末而放鏃乃殪之
於窟中或紛紜赤以驚驚影跳竦而揚白擢輕足之煒煒振遊形之躍躍

弓不暇彎置不及暮爾乃鷹鷂翻以飄揚勁翼謾而下獬馬釋控以長
鬱騰虛而陵厲翕習於迴阻之間統繚於山澤之際盤迂遊田其樂泄泄
心既倦兮日遷命與駕兮將還息徒蘭圃秣驥華田目送歸波手揮五絃
優哉遊哉聊以永年晉潘岳射雉賦曰涉青林以遊覽樂羽族之羣飛
偉彩毛之英麗有五色之名翬厲耿介之專心張猛毅之雄姿於時青陽
告謝朱明肇授靡木弗滋無草不茂天英英以垂雲泉涓涓而吐溜麥漸
漸以擢芒雉嘯嘯而朝雉鬱軒翥以餘怒思長鳴以効態爾乃侯扇與而
清叫野聞聲而應媒摘朱冠之絕并敷藻翰之陪鯁或歷或啄時行時止
班尾揚翹雙角特起應叱愕立躡身竦峙捧黃間以密殼屬剛挂以潛擬
山驚悍害焱迅以甚鯨牙低鏃心平望審毛體摧落霍若碎錦逸羣之雉
擅場挾兩櫟雌妬異條來忽往於是篲分銖商遠近揆懸刁騁絕伎當味
值胷裂膝破紫若乃耽盤遊道放心不移樂而無節端操或虧此老氏之
所誠而君子所不爲梁沈約爲臯太子謝賜御所射雉啓曰輕鑿微
動密翳徐張黃間所發矢無虛發南皮之獲未足稱工臣任惟守器事隔

陪奉天慈曲降賜物頌禽

釣

呂氏春秋曰太公釣於滋泉文王得而王 說苑曰呂望年七十釣于渭
 渚三日三夜魚無食者與農人言農人者古之老賢人也謂望曰子將復銀
 必細其綸芳其餌徐徐而投之無令魚駭望如其言初下得鮒次得鯉刺
 腹得書書文曰呂望封于齊望知當貴 毛詩曰其釣維何維絲伊緡齊
 氏之子平王之孫 論語曰釣而不綱弋不射宿 墨子曰釣者之恭非
 為魚也餌鼠以肉非愛之也 楚辭曰以直針而為釣維河魚之能得
 呂氏春秋曰善釣者引魚于干仞之下 餌香也 陳陰鏗觀釣詩曰澄
 江息晚浪釣侶柁輕舟垂絲遙濺水滄浪終滯游 晉潘尼釣賦曰抗
 余志於浮雲樂余身於蓬廬尋渭濱之遠迹且游釣以自娛左媛修竹右
 縱飛綸金鈎厲鉅甘餌垂芬衆鯤奔涌 游鱗橫集觸餌見擒值鈎被執長
 繳續紛輕竿翕熠雲往颺馳光飛電入 曜靈未及驚策蓋以獲其數十且
 夫燔炙之鮮煎炙之味自品于變殊芳 異氣隨心適好不可勝記乃命宰

夫膾此潛鱗電割星流芒散縷解臨 風離鏑連翩雪累西戎之蒜南夷之
 薑酸鹹調適齊和有方和神安體且 思難忘

錢

漢書曰凡贄金錢布泉之用夏殷以 前其詳靡記太公為周立九府圖法
 圓即六韜曰武王入殷散鹿臺之金 錢以與殷民 史記曰初蘇秦之燕
 貸百錢為資及貴以百金償之偏韜 諸所嘗見德者其從者一人獨未得
 報乃前自言蘇秦曰我非忘子子之 與我至燕再三欲去我易水之上方
 是時我困故望子深是以後子子今 亦得矣 又曰高祖以吏繇咸陽吏
 皆送奉錢三或五百蕭何獨以五侯 益封二千戶以獨贏二錢 又曰單
 父人呂公善沛令避仇從之客因家 焉沛中豪傑吏聞令有客皆往賀蕭
 何為主吏主進令諸大夫曰不滿千 錢坐之堂下高祖為亭長素易諸吏
 乃給為謁者曰賀錢萬實不持一錢 謁入呂公大驚起迎之門呂公者好
 相人見高祖狀貌因重敬之引入座 蕭何曰劉季故多大言者矣 又曰
 上使善相者相鄧通曰當貧餓死文 帝曰能富通者在我何謂貧於是賜

通蜀嚴道銅山得自鑄錢號鄧氏錢布天下見龐幸篇又曰漢興七十餘年之間國家無事廩庾皆滿而庫府餘貨財京師之錢累百巨萬貫朽而不可校又曰安息國以銀為錢錢如王面漢書曰武帝時公卿請令京師鑄官錢赤仄以赤銅為具邪一當五官用非赤仄不得行俗所謂紫緡錢又曰東方朔云侏儒長三尺餘奉一囊粟給錢百二十臣朔長九尺餘亦一囊粟錢二百四十又曰張安世父子封侯在位太盛乃辭不受祿詔都內別藏張氏無名錢以百萬數都安主藏官東觀漢記曰光祿勳杜林與馬援鄉里親厚援南方還時林馬適死援遣子持一匹馬遺林曰朋友有車之饋可以修之居數月林遣子奉書曰將軍內施九族外有賓客望恩者多林父子食祿祿出常有盈今奉錢五萬援受之謂兒曰當以此為法林所以勝我者也又曰馬援在隴西上書曰富民之本在於食貨宜如舊鑄五銖錢天下賴其便又曰鄭均兄為縣游擊受禮遺均數諫止不聽即脫身出作歲餘得數萬錢歸以與兄曰錢盡可復得為吏坐贓終身捐棄兄感其語遂有廉潔稱汝南先賢傳曰平輿關氏為郡五官掾太守第五常被徵以奉

錢百三十萬寄啟啟埋堂上後常舉家患死唯有孤孫九歲臨死語云吾有錢三十萬寄掾關氏孫長大來求啟啟見之悲喜取錢盡還之孫曰祖唯言二十萬爾今乃百三十萬誠不敢當啟曰府君疾困謬言爾郎君無疑郭子曰王夷甫雅尚玄遠又疾其婦貪口未嘗言錢婦欲試之夜令婢以錢遶牀不得行夷甫晨起見錢闕之命婢舉阿堵物世說曰王武子移第近北芒于時人多地貴武子好馬射買地作埒編錢布地竟埒時號金溝地鏡圖曰錢銅之氣望之如青雲書後漢劉駒駱上書諫鑄錢事曰夫食者乃有國之大寶生民之至貴也見比年已來良田盡於蝗螟之口杼袖空於公私之求野無青草室如懸磬所急朝夕之食所患靡盬之事豈謂錢之鏤薄銖兩輕重哉就使當令土礫化為南金瓦鹵變為和玉沙石悉成隨珠犬羊盡作狐白終繡盈堂文綺縵野使百姓渴無所飲飢無所食雖犧皇之純德大禹之勤勞周文之不暇猶不能以保蕭牆之內書梁簡文帝謝勅賜解講錢啓曰無勞磁石之大金貨猥臻非遊玉壘之川銅山可見舒王濟之埒猶覺有餘假劉寔之繩穿而不盡慧

輪究竟爰降曲私福田成滿仰由慈被榮光獨照自均若木負恩知重竊
譬蓬萊 又謝賜錢啓曰殊澤隆厚造次被蒙重彼八銖珍斯九法亦灰
成采出自水衡之藏紺文委貫忽積銅扇之裏謹長充放生用濟含識發
弘誓願等供無邊效彼薄拘均茲流水方使怖鴿獲安窮魚永樂 梁劉
孝威婚謝晉安王賜錢啓曰孝威問吉已通請期有日而賢夫之譽多愧
張耳非壻之才偶同王粲瞻言前事良以自羞曲降隆慈俯垂珍錫便使
禽贄獲舉纒幣有資佩服寵靈殞越非報 梁任孝恭謝賚錢治宅啓曰
繩樞斷續薄雨已傾席戶穿闌微風自卷不悟恩隆問舍降自天造事深
更宅乃被庸微跪條可授毀垣再築遂得惚臨上路戶望東家人悅爽培
里驚輪奐門學于公逆容駟馬巷均王濬豫擬幡旗 晉魯褒錢神論
曰有司空公子富貴不齒盛服而遊京邑駐駕乎而里顧見蔡母先生班
白而徒行公子曰嘻子年已長矣徒行空手將何之乎先生曰欲之貴人
公子曰學詩乎曰學矣學禮乎曰學矣學易乎曰學矣公子曰詩不云乎
幣帛筐篚以將其厚意然後忠臣嘉賓得盡其心禮不云乎男贄玉帛介

鳥女贄榛栗棗修易不云乎隨時之義大矣哉五視子所以觀子所由
隨世哉雖曰已學吾必謂之未也 先生曰吾將以清淡爲筐篚以機神
幣帛所謂禮云禮云玉帛云乎哉 者已公子拊髀大笑曰固哉子之云也
既不知古又不知今當今之急何 用清談時易且變古今異俗富者榮貴
貧者賤辱而子尚質而子守實無 異於遺劍刻船膠柱調瑟貧不離於身
名譽不出乎家室固其宜也昔神 農氏沒黃帝堯舜教民農桑以幣帛爲
本上智先學變通之乃掘銅山俯 視仰觀鑄石爲錢故使內方象地外貞
象天錢之爲體有乾有坤其積如 山其流如川動靜有時行藏有節市井
便易不患耗折難朽象壽不匱象 道故能長久爲世神寶親愛如兄子曰
孔方失之則貧弱得之則富強無 翼而飛無足而走解嚴毅之顏開難發
之口錢多者處前錢少者居後詩 云哿矣富人哀哉燒獨豈是之謂乎錢
之爲言泉也百姓日用其源不匱 無遠不往無深不至京邑衣冠疲勞講
肆厭聞清談對之睡寐見我家兄 莫不驚視錢之所祐吉無不利何必讀
書然後富貴由是論之可謂神物 無位而尊無勢而熱排朱門入紫闥錢

之所在危可使安死可使活錢之所去貴可使賤生可使殺是故忿諍辯訟非錢不勝孤弱幽滯非錢不拔怨仇嫌恨非錢不解令問笑談非錢不發諺曰錢無耳可聞使豈虛也哉 又曰有錢可使鬼而况於人乎子夏云死生有命富貴在天吾以死生無命富貴在錢何以明之錢能轉禍為福因敗為成危者得安死者得生性命長短相祿貴賤皆在乎錢天何與焉天有所短錢有所長四時行焉百物生焉錢不如天達窮開塞振貧濟乏天不如錢若臧武仲之智卞莊子之勇冉求之藝文之以成人矣今之成人者何必然唯孔方而已夫錢窮者使通達富者能使溫暖貧者能使勇悍故曰君無財則士不來君無賞則士不往諺曰官無中人不如歸田雖有中人而無家兄何異無足而欲行無異而欲翔使才如顏子容如子張空手掉臂何所希望不如早歸 廣修農商舟車上下役使孔方凡百君子同塵和光上交下接名譽益彰

藝文類聚卷第六十六

藝文類聚卷第六十七

- 衣冠 貂蟬 映珮 巾帽 衣裳 袍 裙襦
- 表帶
- 衣冠

墨子曰昔齊桓公高冠博帶以治其國楚莊王鮮冠組纓絳衣博袍以治其國 莊子曰曾子居衛正冠而纓絕歛襟而肘見 楚辭曰余幼好此奇服兮年既老而下衰帶長鈇之陸離兮冠切雲之崔嵬 漢書曰終軍上書請受大冠長纓以羈南越王而致之闕下乃使越王越王請舉國內屬 又曰秦獄法吏冠柱後惠文冠及張敞弟武為梁相敞遣使送之曰何以治梁武曰馭黠馬利其衝策當以柱後惠文蟬治之爾 惠蟬也冠細如蟬翅今御 史劉向別錄曰鶡冠子常居深山以鶡為冠故號鶡冠子 漢武內傳曰上元夫人戴九星靈芝夜光之冠 胡廣說曰趙武靈王効胡服以璫飾首前搖貂尾秦滅趙以其君冠賜近臣建武時匈奴內屬世祖賜南單于常侍惠文冠 東觀漢記曰楊賜患罷居無何拜太常詔賜所服冠幘綬